



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Indictio, Acta & Decreta Synodi Diœcesanæ
Paderbornensis**

Diözese <Paderborn>

Nevhvsii, [1688]

Tit. VIII. De Templis.

urn:nbn:de:hbz:466:1-36013

cessionis aut supplicationis ritucum silentio modestiaque sine cantu & strepitu transire, ibique preces fundere possint, si tamen in eisdem Concio, Catechesis vel exhortatio alia habeantur, quoad fieri potest, ab eorum ingressu abstineant.

13. Cum porro Ecclesiæ Catholice decus non solum in Processionibus, supplicationibus & stationibus ritè & rectè ac secundum Ordinem superiorum à Nobis præscriptum adornatis, verum etiam respondentibus his Officijs divinis atque Ecclesiasticis functionibus maximè eluceat, earumque gravi actione populi pietas foveatur augeaturque; ideò quæcumque his contraria, nugas, levitates & abusus si quæ quovis nomine in ullam Civitatis & Diœcesis nostræ Ecclesiam irrepererunt abolemus.

T I T U L U S VIII.

De Templis.

I.

Cum Ecclesiæ divino cultui dicatae domus dicantur Orationis, easque propterea omnis Sanctitas deceat atque reverentia, meritò de ipsis quoque tanquam loco earum propria, recta & sancta ordinamus.

2. Notum est, non exiguo ad devotionem incitamento esse, si domus Dei munda conservetur, altariaque pro diversitate temporum ritè exornentur, omnibus itaque serio præcipimus, ut non tam propriæ habitationis quam templi curam gerant, omni possibili modo ornatum illius querant, ut Parochiani exteriore munditie & ornatu ad puritatem internam majoremque devotionem magis magisque allientur.

3. In omnibus Ecclesijs ad minus summum Altare adaptetur, idque sic, ut lapis unus solidus tegat superne totum Altare, quod si fieri nequeat, ponatur ut minimum lapis bipedalis in quadro, qui medium Altaris supra eum locum, in quo Reliquiæ sanctorum reconduntur, regat, ponaturque semper Imago Christi Crucifixi in Altaris medio, sitque super illud tabula aliqua sacra piè depicta.

4. Non extruantur plura Altaria quam commodè adornari possint, nec plura quam tria in quolibet Parochiali rurali templo sine nostra auctoritate ædificantur.

5. Tametsi propter hostiles incursus, repentina incendia, aliasque casus inopinatos ad Ecclesijs cum rebus suis confugere, non sit illicitum, ut nihilominus Ecclesiæ non solum nomine, sed verè domus Dei & Orationis censeantur, minimè eas supellestili profanâ sic impleri volumus, ut domus potius sæcularium quam Dei Basilicæ faciem referant.

6. Non parum irreverentia sacris locis ex eo accidere potest, quod quibusdam in locis per totum diem aperta relinquuntur, & hoc pacto non solum furum direptionibus, sed etiam varijs profanationum periculis exponantur, quod ne deinceps contingat, Pastoribus Ecclesiarum in pagis constitutarum præcipimus, ut extra tempus divini Officij easdem clausas habeant.

7. Sicut non alijs, quam Deo sacratis Sacerdotibus Missas cantare aut Sacrificium in Altarilicer immolare, sic nec in alijs quam divino cultui dicatis locis eadem facere fas est, nisi quis ad hoc speciali Privilegio, aut Apostolico aut nostro munitus fuerit, aut summa necessitas exegerit.

8. Hinc etiamsi cuilibet domi suæ liceat habere privatum Orationis causa oratorium, dummodo in eâ campana publicè exposita non pulsetur, non tamen ad sacrificium Missæ factandum, nisi sit ad divinum tantummodo cultum dedicatum & Episcopali nostrâ auctoritate designatum. Alijs si quis in oratorijs intra privatos patientes constitutis, absque summi Pontificis nostrovè consensu celebraret, gravi pœnâ punietur.

9. Quemadmodum ad offerendum Missæ sacrificium necessariò requiritur Altare Lapideum ab Episcopo conlocatum, ita nullum Altare consecratum absque legitima causa & expressa nostra licentia nec nisi certis precibus ac cærimonijs adhibitis destrui debet, quas hic pro maiore cuiusvis notitia libuit subjungere.

G

In

In Civitate igitur aut Diœcesi nostrâ Paderbornensi obtentâ prius à Nobis facultate, Superior Ecclesie in qua Altare aliquod destruendum est, seu alias ad hoc Episcopali nostrâ auctoritate deputatus Sacerdos, superpelliceo & stolâ indutus, convocatis etiam alijs Sacerdotibus seu viris Religijs pauli per genuflexus ante Altare destruendum accensis super columnibus, submissâ voce Orationem Dominicam, ac salutationem Angelicam dicat. Dein à Choro cantetur seu legatur Antiphona vel responsorium de Sancto, cuius nomini Altare illud dicatum est. Quo finito Superior seu Sacerdos praedictus adjiciat alta voce versiculum, & Orationem de eodem Sancto Choro semper respondente. Postea ex omni parte Altare destruendum detegatur, lapis Superior sive Mensa consecrata sine læsione amoveatur, eam idem Superior vel Sacerdos manibus suis lavet, abstergat linteo & aquam, quâ lapidem eluit, in sacrarium effundat.

Amoto lapide dictus Superior seu Sacerdos diligenter religioseque perspiciat, num sacræ Reliquiæ sint inclusæ, quas inventas præmisso thuris incensi suffitū, debitâ cum reverentia extrahet, & certo honestoque loculo seu arcæ includet, quam sigillo munit, reliquiis omnibus, quæ sequentibus Paragraphis præscribuntur, ritè servatis, nempè adhibitis luminibus Altaris reconditorum seu sepulchrum, quo sacræ Reliquiæ conditæ sunt, aperiatur, & si quis loculus seu Capsula cum sacris Reliquijs in eo reperiatur, ipse Superior seu Sacerdos stans imponat & benedic thus acerræ seu thuribulo, quo è Ministri manibus accepto thurificet triplici ductu reliquias inclusas, quibus expletis præcinat choro seu Ministris prosequentibus responsorium, surgite sancti Dei de mansionibus vestris, loca sanctificate, plebem benedicite **¶** & nos homines peccatores in pace custodite **¶** Ambulate sancti Dei ad locum prædestinatum qui vobis paratus est. Et nos &c.

Postea tam obsignatae arcæ sigillum quām ipsæ sacræ Reliquiæ cum scedula ac scriptis ibidem inventis diligentissimè discutiantur & recognoscantur, ipsaque arcula seu theca sigillo ejusdem Superioris vel Sacerdotis deputati obsignetur, addito eidem arcuæ etiam Vice superiori seu Sacerdotis manu scripto testimonio & duorum virorum Ecclesiasticorum, quod istæ Reliquiæ N. SS. N. die, N. Mense N. Anno in Altari N. nostrâ licentiâ destructo, fuerint inventæ, ac deinceps pro veris Reliquijs haberi & alteri Altari proximè consecrando possint inseri.

Ad hæc Superior, seu Sacerdos praedictus præcedentibus luminibus, supplicationis ritu, sacræ Reliquias ad sacrarium vel vestiarium, seu alium decentem ac tutum locum deportet, præcinnatque choro seu Ministris prosequentibus Antiphonam exultabunt Sancti in gloriâ lætabuntur in cubilibus suis, *Psalm. 149.* Cantate Domino canticum novum, Laus ejus &c. *Psalm. 150.* Laudate Dominum in sanctis ejus &c. Et non dicitur gloria Patri &c. sed Antiphona repetitur.

Cumque pervenerit ad ipsum Sacrarium seu locum præstitutum, deponat eas cum reverentia super Mensam aliquam seu tabulam honeste ibidem paratam, luminibus juxta illas ardentibus collocatis & Superior sive Sacerdos, stans versus sacras Reliquias dicat versum lætamini in Domino & exultate Justi *Reff.* & gloriamini omnes recti corde. *Oremus.* Lætetur Ecclesia tua Deus omnium & horum Sanctorum tuorum confusa suffragijs atque eorum precibus gloriosis, & devota permaneat, & secura consistat, per Christum Dominum nostrum *Reff.* Amen.

Interea temporis ab operarijs reliqua pars Altaris amoveatur. Verum cum res Deo semel consecrata oleoque sancto & ritu sacro delibuta in profanum usum, & opera transferri nequeat, idcirco severè prohibemus, ne lapides, clementa aliaque cujusvis consecrati Altaris destructi fragmenta in profana ædifica seu privatos hominum usus convertantur, sed illa omnia vel alteri Altari sive Ecclesiæ applicanda vel in loco sacro, ad id apto, nempè in angulo quodam area templi, vel etiam extra templum in Cœmiterio tantisper asserventur, donec certius quid per nos de illis faciendum decernatur. Si plura Altaria sint destruenda idem ritè fiat ad singula.

Quod si Ecclesia aliqua seu Capella destruenda sit, præhabitâ quoque prius à nobis licentiâ, si quæ sacræ Reliquiæ corporavæ Sanctorum in ea recondita sint, aliquot antè ipsius destructiōnem diebus diligenter recognita ad aliam Ecclesiam à nobis constitutam præscripto ritu transferantur, convocato etiam ad hujusmodi translationem (si corpora sint seu insignes reliquiæ) Clero vicino & populo. Sacræ item Imagines eodem transferantur, ac dein Ecclesiæ seu Capellæ Altaria adhibitis accuratissimè omnibus precibus, ritibus & Cærimonijis quæ antecedentibus Paragraphis præscribuntur, amoveantur. In loco autem destructæ Ecclesiæ Crux ad memoriam erigenda est.

10. Ne-

10. Nemini porrò liberum est, in locis Episcopali nostrae ordinariæ Jurisdictioni subiectis, absque consensu nostro nostrivè Vicarij in Pontificalibus generalis (si quis pro tempore existat) Ecclesiam novam construere, qui in loco ædificandæ Ecclesiæ per se vel per alium crucem figat, atrium publicè designet, lapidemque primarium juxta Pontificalis seu ritualis Romanæ normam ponat, & ab eo, qui Ecclesiam exstruere intendit, priùs constitutâ dote pro luminaribus & Ministris Ecclesiæ atque oneribus alijs persolvendis exigat & assignari curet.

TITULUS IX.

De Altaribus.

Altarium mobilium usus aliquantulum ad populi commoditatem permisus est; sed ne quod ad tempus ex causa nunc per Dei clementiam cessante contra Canonicas sanctiones indulatum est, violatâ sacrificij reverentiâ in corruptelam degeneret, præcipimus omnibus quibus interest, ut sicubi Altaria sint violata vel profanata, ea quamprimum fieri poterit, instaurentur, & Sacris usibus Pontificali consecratione restituantur Altarium mobilium usu penitus interdicto. Noverint quoque Sacerdotes omnes, si quibus ex urgente aliquâ necessitate vel bellorum calamitate Altarium portatilium usus deinceps à nobis nostrovè in Spiritualibus Vicarij Generali erit permittendus, ea debere esse tantæ magnitudinis, ut hostiam & calicem commodè contineant, cum sacri Canones statuant Sacramentum Corporis & Sanguinis Domini nostri Iesu Christi non nisi in Altari lapideo debere confici; Hinc si quæ ejus magnitudinis non sint, eorum usum penitus prohibemus, attendant verò singuli Sacerdotes quibus in Altaribus consecrent, ne dum se putant in lapideis facere, in appositis lapidi Altaris asseribus sacrificent, ideo remotâ mappâ lapidem inspiciant, ut norint, quo loco calix & patena sit collocanda.

2. Observandum diligenter sacræ rituum congregationis insertum Romano Missali decreta, paramenta non debent sumi de Altari pro celebratione Missarum, cum id competat tantum Episcopis, sive solenniter, sive privatim celebrant. Inferioribus verò habentibus usum Pontificalium, non nisi quando in Pontificalibus celebrant. Quamobrem volumus omnino & severissimè injungimus, ut in singulis Ecclesijs Collegiatis, Parochialibus & alijs quibuscunque (ut primum fieri poterit) Sacraria communis, sicubi nondum est erecta, constituatur: sin eam angustiæ loci non patientur, in eadem Ecclesia locus alias ab Altari semotus huic usui accomodetur, in quo Sacerdotes omnes sacrificatur ac Diaconus & Subdiaconus in Missa ministraturi sacris se vestibus induant, & inde procedant ad Altare. Aulæis, floribus, alijsque pijs & honestis ornamentis, ac frondibus templi parietes, cum feriæ solemniores postulaverint, exornentur, & cetera quæ ad cultum & ornatum domus Dei, populi pietatem & Religionem excitandam faciunt ab Ecclesiarum Custodibus sedulò procurentur. Interim severissimè vetamus ne quis illis ornandis peristromata, quæ vanas & turpes historias exhibent, Imagines obscenæ, quæ intuentium animis lascivas cogitationes ingerunt & à loci sanctitate abhorrent, ullo modo adhibeat.

TITULUS X.

De Reliquiis sanctorum.

I.

Reliquæ sanctorum in vasis honestis seu Capsulis obseratis, locoque honesto (non tamen in Tabernaculo SS. Sacramenti) aserventur, nec ex ijs per alium quam ordinatum loci, aut ab eodem ad id potestatem in scriptis habentem unquam educantur.

2. Etsi